

1012

**BEL***informas*N-ro 16  
OKT/84

INFORMA BULTENO DE BRAZILA ESPERANTO - LIGO  
Boletim Informativo da Liga Brasileira de Esperanto  
Praça da República, 54 - 2º andar - Tel. 232-6309  
20.211 - RIO DE JANEIRO - BRASIL

**IMPRESSO**DEMOKRATIA MOMENTO

Laŭ la 8a. artikolo de la statuto de BEL, du foje jare, devas okazi Ordinaraĵ Ĝeneralaj Kunsidoj.

Kutime, tiuj Kunsidoj ĉiam karakteriziĝas per demokratia kaj libera diskutado de la problemoj de BEL kaj de la e-a movado, ĝenerale.

Jen, denove, alvenis tiu momento! La 20-an de oktobro, sabaton, je la 4-a ptm, okazos la Dua Ĝenerala Kunsido de tiu ĉi jaro. Interalie, estis fiksitaj por la tagordo la jenaj temoj:

1. Financa raporto rilate al 1983.
2. Buĝeto por 1985.
3. Ĝeneralaj temoj.

Sed, antaŭ la malfermo de la kunsido, de la 3-a ĝis la 4-a, la ĉefdelegito de UEA en nia lando, S-ro Ivon Barbosa, el Bauru, SP, prelegos pri la temo "Delegita Reto de UEA en Brazilo".

Do, ni invitas al ĉiuj nepre ĉeesti tiun Kunsidon!

NOVAĴOJ PRI BEL NOVAĴOJ PRI BEL NOVAĴOJ PRI BEL NOVAĴOJ PRI BEL NOVAĴOJ PRI BEL NOVAĴOJ PRI BEL

DONACOJ AL BEL, EN SEPTEMBRO - Antonio Rodrigues da Silva: Cr\$ 2.000,00. Koran Dankon!

DIPLOMOJ LIVERITAJ, EN SEPTEMBRO - 3 bazaj kaj 8 progresigaj.

ELDONITAJ DOKUMENTOJ - 7 fakturoj; 77 enspeznotoj; 33 leteroj; 3 rembursaj enspeznotoj.

ALIĜOJ/ABONOJ - al UEA: 1; al EL POPOLA ĈINIO: 1.

BEL-MEMBRARO/Stato je la 30-a de septembro

	MS	M-1	M-2	DM	BM	Entute
Ĝis 30/08/84	238	139	20	30	04	431
En septembro	31	4	3	2	-	40
Ĝis 30/09/84	269	143	23	32	04	471
Ĝis 31/12/83	288	135	23	30	02	478

OFICISTO DE BEL GAJNAS LITERATURAN PREMION - La unuan lokon en la "Concurso José Olympio/1983" estis aljuĝita al nia oficisto Ronaldo Alves de Oliveira pro la verko "Martim Cererê Revisitado" kiu baziĝas en la verkaro de la brazila aŭtoro Cassiano Ricardo. Baldaŭ, aperos libroforme la tri plej bonaj verkoj premiitaj en tiu Konkurso.



Dumlonge, oni ricevis sporadajn informojn pri la e-a movado en la nordo de Brazilo. Ni nur sciis pri la ekzisto de izolitaj esperantistoj tie kaj de iu mistera kurso de e-o en la Federacia Universitato de Pará.

Tamen, antaŭ pli malpli kvin jaroj, la panoramo eksanĝiĝis: refunkciis malnova klubo en Belém (Klubo Esperantista Zamenhof), okazis amasa instruado de e-o en Manaus kaj la fondo de novaj asocioj en diversaj ŝtatoj de la regiono (Amazonas, Acre, Rondônia, Amapá kaj aliaj). Sekvis eldono de komuna bulteno (Hileo) kaj la publikigo de "Amazonia Esperantista Adresaro", kun ĉirkaŭ 70 adresoj en 20 urboj de tiu regiono.

Kaj, nun, denove, venas aliaj freŝaj novaĵoj de la tiea movado:

- Sub la aŭspicio de Klubo Esperantista Zamenhof (Caixa Postal 2012, Belém, Pará), aperis la unua volumo de Kultura Kajero, sub la titolo "Historio de Klubo Esperantista Zamenhof kaj de Esperanto en Pará" kaj nova numero (julio/aŭgusto) de "La Verda Papago", la oficiala organo de KEZ.

- Unu el la plej prestiĝaj ĵurnaloj de Belém - A Província do Pará - publikigas regule rubrikon pri e-o, sub la respondeco de nia S-ano Alberto Milhomens.

- Laŭ informo de S-ano Valdenir Araujo Pessoa, el Santarém, estis fondita la 26-an de majo de la kuranta jaro "Associação Santarena de Esperanto" (Av. D. Frederico Costa, 785 - Prainha) kiu jam havas 20 membrojn kaj okazigas regulajn kunvenojn ĉe "Casa de Cultura de Santarém".

Jen instigaj kaj sekvindaj ekzemploj! Ni nur esperas, ke baldaŭ la tieaj samideanoj amase aliĝos al BEL kaj tiamaniere ankaŭ fortikigos nian enlandan movadon!

#### MALTONGE ... PRI LA BRAZILA MOVADO MALLONGE ... PRI LA BRAZILA MOVADO MALLONGE ... PRI LA BRAZILA

REAPERIS "SUDA STELO" - "Post mallonga vintrodomo, revenas hodiaŭ al al brazila esperantista medio la oficiala informa organo de la gaŭĉa movado". Tiel komenciĝas enkondukita artikolo ĉe Suda Stelo sep/84, sub la respondeco de S-ano Ivo Sanguinetti.

"ANTAŬEN" INFORMAS PRI SANTA CATARINA - Interesaj artikoloj kaj informoj pri la movado en Santa Catarina aperas en la septembra numero de "Antaŭen", la oficiala organo de Esperantista Asocio de Santa Catarina (Caixa Postal, 460, Florianópolis, SC). Interalie, ĝi sciigas nin, ke ekde 1981, estis liveritaj de tiu Asocio 65 diplomoj en diversaj niveloj. Krome, estas ankaŭ informo pri okazo de sukcesinta intensiva kurso de e-o en la urbo Joinville kie estis fondita iu Bicikla Klubo kiu portas la nomon "Esperanto", omaĝe al la internacia lingvo.

EN BAHIA, I REGIONA RENKONTIĜO DE E-O - okazos en Cruz das Almas (130km for de Salvador), de la 13-a ĝis la 14-a de oktobro, sub la respondeco de Societo Esperanta de Salvador "kun la sola celo interfratigi la esperantistojn profite al la disvastigado de la Lingvo Internacia, en Bahia", kiel informas sendita prospekto. La ĉeftemo de la Renkontiĝo estos "La Komunikado kaj Esperanto". Pliaj informoj: Rua Conselheiro Spínola, 57, Barris, 40.000-SALVADOR.

ESPERANTO EN MILITISTA KOLEGIO DE RIO DE JANEIRO - Sub la aŭspicio de "Círculo de Pais e Meztres do CMRJ" okazas, ekde la 13-a de sep., Kurso de E-o por lernantoj de la unuagrada nivelo (6a., 7a. kaj 8a. serioj), gvidita de S-ano Sylvio Malheiros, kiu, de 1980, regule laboras por la internacia lingvo en tiu Kolegio.

KURSO DE ESPERANTO ĈE PROFESIA LERNEJO DE ACESITA - Laŭ informo de S-ano Adonis M.S. Silva, (Caixa Postal, 192, 35180-ACESITA, MG), en oktobro, li gvidos bazan kurson de e-o ĉe Profesia Lernejo de Acesita.

GRAVA RAPORTO PRI ESPERANTO EN REVUO "LEGENDA" - Tripaĝa ampleksa raporto pri la internacia lingvo, krom ankaŭ titolo pri tiu raporto sur la kovrilo, aperis en la revuo "Legenda" kiu cirkulas inter gravaj entreprenogvidantoj kaj bankdirektoroj.

LA MOVADO EN CAMPINAS ESTAS ĈE UNIVERSITATOJ - Laŭ informo de S-ano João Manoel Aguilera Jr. (R. Proença 866 apto 12, 13.100-CAMPINAS, SP), funkcias, nuntempe, en tiu urbo, kursoj de e-o en du universitatoj: la Katolika kaj UNICAMP. Krome, la 15-an de septembro la tieaj esperantistoj kunvenis ĉele al la revivigo de "Kampinas E-o Interligo".

KURSO DE ESPERANTO ĈE "FEDERACIA CENTRO PRI TEKNOLOGIA EDUKADO DE RIO DE JANEIRO" - Danke al prelego farita en aŭgusto antaŭ rotarianoj, S-ano José Rabello de Paula estis invitita organizi kurson de e-o por lernantoj de "Centro Federal de Educação Tecnológica do Rio de Janeiro". La kurso komenciĝos en oktobro kaj estas malfermita ankaŭ por la ĝenerala publiko.

BRAZILJA ESPERANTO-ASOCIO AKIRAS PROPRAN SIDEJON - Laŭ informo aperinta en "Tagiĝo/aŭg 84", Associação Brasileira de E-o akiris propran sidejon danke al parto de la profito de la 66-a Universal E-o Kongreso".

KVARDEK DU NOVAJ ESPERANTISTOJ - Laŭ "Informilo nro 3/84", Departamento de Esperanto de la Spiritista Unuiĝo de Minas Gerais liveris 42 diplomojn al la kursfinintoj de la unua semestro de 1984 de la esperantaj kursoj aŭspiciitaj de tiu Organizaĵo.